

ქალაქ თბილისის მუნიციპალიტეტის საკრებულოს განათლებისა და კულტურის  
კომისიის სხდომის ოქმი №57

19 ნოემბერი, 2021 წელი  
13:00 საათი

ქ. თბილისი, თავისუფლების მოედანი №2

სხდომას ესწრებოდნენ კომისიის წევრები:

თ. ნიბლოშვილი, ა. ლაშვი, მ. დარჩია, ე. კუხიანიძე, გ. გოცირიძე, ვ. ძნელაძე, ვ. ოთარაშვილი.

მოწვეული სტუმრები:

1. გაიოზ თალაკვაძე – ქ. თბილისის მერიის საფინანსო საქალაქო სამსახურის უფროსი  
2. ლევან მიქავა – ქ. თბილისის მერიის საფინანსო საქალაქო სამსახურის უფროსის  
მოადგილე

სხდომას ასევე ესწრებოდნენ საქართველოს მოქალაქეები:

ანა დოლიძე, ნინო წულაძე, მარიამ კუსიანი, მაკა ტოხიშვილი და მიშიკო ირემაძე.

სხდომას თავმჯდომარეობდა საკრებულოს იურიდიულ საკითხთა და ადამიანის უფლებათა დაცვის კომისიის თავმჯდომარე ლევან ჟორჯოლიანი, ხოლო კომისიას თავმჯდომარეობდა ქალაქ თბილისის მუნიციპალიტეტის საკრებულოს განათლებისა და კულტურის კომისიის თავმჯდომარე თინათინ ნიბლოშვილი.

სხდომის დღის წესრიგი:

1. საკითხი: „ქალაქ თბილისის მუნიციპალიტეტის 2022 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილების პროექტის განხილვა (წერილი: 12-032131941-03; 15.11.2021)

კომისიის თავმჯდომარე თინათინ ნიბლოშვილი მიესალმა დამსწრე საზოგადოებას და გააცნო დღის წესრიგი. კომისიის თავმჯდომარის განმარტებით, სამი კომისიის გაერთიანებულ სხდომაზე (განათლებისა და კულტურის კომისია; იურიდიულ საკითხთა და ადამიანის უფლებათა დაცვის კომისია; ქონების მართვისა და საფინანსო-საბიუჯეტო კომისია) განიხილება „ქალაქ თბილისის მუნიციპალიტეტის 2022 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილების პროექტი.

თინათინ ნიბლოშვილის განმარტებით, კორონავირუსის პანდემიით გამოწვეული სირთულეების მიუხედავად, დედაქალაქის საბიუჯეტო პოლიტიკისთვის კვლავ პრიორიტეტად რჩება განათლებისა და კულტურის სფეროების მხარდაჭერა, რისთვისაც თბილისის 2022 წლის ბიუჯეტში მობილიზებულია შესაბამისი ასიგნები, რაც უზრუნველყოფს კულტურულ-საგანმანათლებლო პროექტების წარმატებით



განხორციელებას. კრიზისულმა პერიოდმა საზოგადოებას კიდევ ერთხელ დაანახა განათლების, ინოვაციური და შემოქმედებითი მიდგომების განსაკუთრებული მნიშვნელობა, რომელიც პანდემიით მიყენებული ზიანის გათვალისწინებით, 2022 წელსაც საჭიროებს სათანადო გარანტიების შენარჩუნებას და ქალაქ თბილისის მუნიციპალიტეტის განათლებისა და კულტურის პროგრამების სათანადოდ დაფინანსებას. ნიშანდობლივია, რომ მთელი რიგი კულტურულ-საგანმანათლებლო ღონისძიებები და აქტივობები ონლაინ რეჟიმში ხორციელდებოდა და ახლაც ამგვარი ფორმატით მიმდინარეობს. დედაქალაქის მერიის სისტემაში შემავალი საგანმანათლებლო და კულტურული ორგანიზაციები ბენეფიციარებსა და დაინტერესებულ პირებს ონლაინ გაკვეთილებს, სპექტაკლებს, კონცერტებსა და სხვა მსგავს აქტივობებს სთავაზობენ. დისტანციურ რეჟიმზე გადაწყობამ, დედაქალაქის მერიას შესაძლებლობა მისცა დაეზოგა ფინანსები და ის საზოგადოების სიცოცხლისა და ჯანმრთელობის დაცვისა და სხვა ძირითადი საჭიროებების უზრუნველსაყოფად მიემართა. ამასთან, როგორც თინათინ ნიბლოშვილმა აღნიშნა, „ქალაქ თბილისის მუნიციპალიტეტის 2022 წლის ბიუჯეტის დამტკიცების შესახებ“ (№ 12-032131941; 15.11.2021) დადგენილების პროექტით, გათვალისწინებულია საჯარო სექტორში დასაქმებულთა შრომის ანაზღაურების 10%-იანი ზრდა, რაც სექტორში მომუშავე პირთა სოციალურ-ეკონომიკური მდგომარეობის გაუმჯობესების თვალსაზრისით წინგადადგმული ნაბიჯია.

წარმოდგენილი დღის წესრიგი განათლებისა და კულტურის კომისიის წევრთა მიერ მოწონებულ და დამტკიცებულ იქნა.

#### მოისმინეს:

სხდომის თავმჯდომარემ სიტყვა გადასცა ქ. თბილისის მერიის საფინანსო საქალაქო სამსახურის უფროსს, გაიოზ თალაკვაძეს, „ქალაქ თბილისის მუნიციპალიტეტის 2022 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილების პროექტის“ წარმოდგენის მიზნით.

ქალაქ თბილისის მუნიციპალიტეტის მერიის საფინანსო საქალაქო სამსახურის უფროსმა, გაიოზ თალაკვაძემ აღნიშნა, რომ წარმოდგენილი ბიუჯეტის პირველადი პროექტით, თბილისის 2022 წლის ბიუჯეტი შეადგენს 1 199 917,0 ათას ლარს, რაც 2021 წლის დამტკიცებულ ბიუჯეტთან (1 050 302,5 ათასი ლარი) მიმართებაში გაზრდილია 149 614,5 ათასი ლარით. აღსანიშნავია, რომ თბილისის მუნიციპალიტეტის 2022 წლის ბიუჯეტის პროექტით გათვალისწინებულია შემდეგი პრიორიტეტების დაფინანსება:

- სატრანსპორტო ინფრასტრუქტურის მშენებლობა-აღდგენა – 224 753,9 ათასი ლარი;
- ინფრასტრუქტურის ობიექტების მშენებლობა, ექსპლოატაცია და ავარიული შენობების გამაგრება/ჩანაცვლება – 236 062,6 ათასი ლარი;
- ეკოლოგიური მდგომარეობის შენარჩუნება და გაუმჯობესება – 138 817,1 ათასი ლარი;
- ეკონომიკის განვითარების ხელშეწყობა – 1 845,0 ათასი ლარი;
- ბინათმესაკუთრეთა ამხანაგობების განვითარება – 41 115,2 ათასი ლარი;
- ჯანმრთელობის დაცვა და სოციალური უზრუნველყოფა – 176 487,0 ათასი ლარი;



- განათლება – 202 686,9 ათასი ლარი;
- კულტურა, სპორტი და ახალგაზრდობა – 43 805,5 ათასი ლარი;
- საზოგადოებრივი წესრიგი და უსაფრთხოება – 5 217,8 ათასი ლარი.
- ქ. თბილისის წარმომადგენლობითი და აღმასრულებელი ორგანოები – 129 126,3 ათასი ლარი.

გაიოზ თალაკვაძის თქმით, ქალაქ თბილისის მუნიციპალიტეტის 2022 წლის ბიუჯეტის პროექტში მნიშვნელოვანი წილი უჭირავს სკოლამდელი აღზრდის დაწესებულებების ხელშეწყობას (168 461,8 ათასი ლარი), ზოგადი განათლების და სასკოლო მზაობის პროექტების ხელშეწყობას (142,2 ათასი ლარი), მულტიფუნქციური ბიბლიოთეკების გაერთიანების ხელშეწყობას (3503,5 ათასი ლარი); ამავდროულად, გრძელდება დაწყებული პროექტების დაფინანსება, მათ შორის: მიმდინარეობს 2 საბავშვო ბაღში გამაგრება-რეკონსტრუქციის სამუშაოები და 9 ახალი საბავშვო ბაღის მშენებლობა, რაც იმას ნიშნავს, რომ საჯარო საბავშვო ბაგა-ბაღების ინფრასტრუქტურული სამუშაოების გასაგრძელებლად კვლავ გათვალისწინებულია შესაბამისი ასიგნებები.

კომისიის თავმჯდომარე თინათინ ნიბლოშვილი დაინტერესდა, თუ როგორ არის გადანაწილებული დედაქალაქის 2022 წლის ბიუჯეტის ასიგნებები კულტურის მიმართულებით, რაზეც გაიოზ თალაკვაძემ განმარტა, რომ დედაქალაქში 2022 წელს, პანდემიური ვითარების მიუხედავად, გაგრძელდება კულტურის ობიექტების (თეატრები, მუზეუმი, გალერეა, საბალეტო დასი, ბიგ-ბენდი, პანთეონი) დაფინანსება, სახელოვნებო განათლების ხელშეწყობა, წარმატებული სპორტსმენი ბავშვების და მწვრთნელთა მხარდაჭერა, კულტურის დაწესებულებების მატერიალურ-ტექნიკური ბაზის გაუმჯობესების ღონისძიებები (მათ შორის №28 ხელოვნების სკოლისთვის სარემონტო-სარეაბილიტაციო სამუშაოები). მუზეუმების გაერთიანების ქვეპროგრამის ფარგლებში გათვალისწინებულია *(იხ., დანართი „1“, 10 ფრ)*. მნიშვნელოვანია ის ფაქტიც, რომ 2022 წლის თბილისის ბიუჯეტში გათვალისწინებულია ასიგნები სპორტული, კულტურული და ახალგაზრდული ღონისძიებების ხელშეწყობისთვის და კულტურის სფეროს განვითარებისთვის.

დღის წესრიგის პირველ საკითხთან დაკავშირებით აზრი გამოთქვას:

თ. ნიბლოშვილმა, გ. თალაკვაძემ, მ. ტოხიშვილმა.

სხდომაზე, მ. ტოხაშვილის მიერ აღინიშნა, რომ სტატუსშეჩერებულ სტუდენტთა სტატისტიკა ყოველწლიურად მზარდია და საინტერესოა, რა პრინციპით ხდება სოციალურად დაუცველი სტუდენტების დაფინანსება, რაზეც თინათინ ნიბლოშვილმა უპასუხა, რომ დაფინანსება ეხება თბილისში რეგისტრირებულ სოციალურად დაუცველ სტუდენტებს, – როგორც ბაკალავრიატის საფეხურზე, ისე – სამაგისტრო პროგრამებზე. დაფინანსების მიმღებ სუბიექტთა სოციალური ქულა გასულ წელს გაიზარდა, რამაც მომართვიანობა მეტად გაზარდა. დედაქალაქის ბიუჯეტში განსაზღვრულია პროგრამა „სოციალურად დაუცველი და წარმატებული სტუდენტების ხელშეწყობა“ (კოდი 07 05 03), რომლის ასიგნები შეადგენს 2 603,0 ათას ლარს, რაც წინა წელთან მიმართებით 0,12 პროცენტითაა გაზრდილი.



საკითხთან მიმართებით, გაიოზ თალაკვაძემ დამატებით აღნიშნა, რომ საჭიროების შემთხვევაში, რამდენი სოციალურად დაუცველი სტუდენტიც მიმართავს მერიის შესაბამის სამსახურს, იმდენივე მიიღებს დაფინანსებას, რაც იმის მანიშნებელია, რომ საგანმანათლებლო პროცესებში ახალგაზრდების მხარდაჭერა, დედაქალაქისთვის მთავარ გამოწვევად რჩება.

განათლებისა და კულტურის კომისიის თავმჯდომარის, თინათინ ნიბლოშვილის განმარტებით, „ქალაქ თბილისის მუნიციპალიტეტის 2022 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილების პროექტთან მიმართებით კომისიას შენიშვნები არ აქვს, თუმცა რეკომენდაციებს შემდეგი მიმართულებით წარმოადგენს:

- განათლებისა და კულტურის კომისია, გასული წლების მსგავსად, რეკომენდაციას უწევს კულტურის ობიექტების მოდერნიზაციას: მათ შორის, მუზეუმების, ხელოვნების სკოლების, მოსწავლე-ახალგაზრდობის ეროვნული სასახლისა და სახლების, ბიბლიოთეკებისა და საგამოფენო სივრცეების მოდერნიზების პროცესის გაგრძელებას, მათი ფუნქციონირებისა და საქმიანობის თანამედროვე გამოწვევებთან შესაბამისობაში მოყვანასა და მატერიალურ-ტექნიკური ბაზის გაუმჯობესებას; ხელოვნების ძეგლებისა და პანთეონების მოვლასა და დაცვას. განსაკუთრებით, მნიშვნელოვანია რომ მულტიფუნქციური ბიბლიოთეკებისა და გაერთიანების ხელშეწყობის (კოდი 07 03 03) მიზნით, ბიუჯეტში მოხდეს დამატებითი თანხების მობილიზება, რომლითაც ბიბლიოთეკების მოდერნიზების პროცესი სრულ შესაბამისობაში იქნება თანამედროვე გამოწვევებთან. საჭირო სუბსიდიების გამოყოფის შემთხვევაში, მულტიფუნქციურ ბიბლიოთეკას შესაძლებლობა ექნება განახორციელოს ინფრასტრუქტურისა და მომსახურების სერვისების გაუმჯობესება, თანამედროვე ტექნიკითა და ინვენტარით აღჭურვა, კულტურულ-საგანმანათლებლო და შემეცნებითი ღონისძიებების განხორციელება, ახალი თაობის წიგნით დაინტერესება.

- განათლებისა და კულტურის კომისია რეკომენდაციას უწევს კულტურის დაწესებულებების მატერიალურ-ტექნიკური ბაზის გაუმჯობესების ღონისძიებებისთვის (კოდი 08 04 04) დამატებითი ასიგნების გამოყოფას, რითაც შესაძლებელი იქნება ზურაბ ანჯაფარიძის სახელობის № 28 ხელოვნების სკოლის რეაბილიტაცია და კულტურული ობიექტების საჭირო ინვენტარით აღჭურვა. ამასთან, რადგანაც ქალაქ თბილისის მუნიციპალიტეტის მერიის კულტურის, განათლების, სპორტის და ახალგაზრდულ საქმეთა საქალაქო სამსახურს შესყიდული აქვს პროექტები, უმჯობესი იქნება შესაძლებლობა მიეცეს განახორციელონ მეტი ინფრასტრუქტურული პროექტი.

კომისიის თავმჯდომარემ კენჭისყრაზე დააყენა საკითხი „ქალაქ თბილისის მუნიციპალიტეტის 2022 წლის ბიუჯეტის დამტკიცების შესახებ“ (№ 12-032131941; 15.11.2021) ქ. თბილისის მუნიციპალიტეტის საკრებულოს დადგენილების პროექტი დაუბრუნდეს ქალაქ თბილისის მუნიციპალიტეტის — მერს წარდგენილი რეკომენდაციების გათვალისწინების მიზნით.



მომხრე ----- 6  
წინააღმდეგი ----- 0  
თავი შეიკავა ----- 1 (კომისიის წევრი, ვაჟა ოთარაშვილი)

განათლებისა და კულტურის კომისია ხმათა უმრავლესობით მიზანშეწონილად თვლის „ქალაქ თბილისის მუნიციპალიტეტის 2022 წლის ბიუჯეტის დამტკიცების შესახებ“ (№ 12-032131941; 15.11.2021) ქ. თბილისის მუნიციპალიტეტის საკრებულოს დადგენილების პროექტი დაუბრუნდეს ქალაქ თბილისის მუნიციპალიტეტის მერს წარდგენილი რეკომენდაციების გათვალისწინების მიზნით.

კომისიის თავმჯდომარემ სხდომა დახურულად გამოაცხადა.

კომისიის თავმჯდომარე:  
თინათინ ნიბლოშვილი

*თ. ნიბლოშვილი*

შეადგინა:  
ირაკლი შამათავა

*ირაკლი შამათავა*

„ქალაქ თბილისის მუნიციპალიტეტის 2022 წლის ბიუჯეტის დამტკიცების შესახებ“  
(№12-032131941; 15.11.2021) ქ. თბილისის მუნიციპალიტეტის საკრებულოს დადგენილების  
პროექტთან დაკავშირებით  
განათლებისა და კულტურის კომისიის ანალიზი

ქალაქ თბილისის მუნიციპალიტეტის 2022 წლის ბიუჯეტის წარმოდგენილი პროექტის თანახმად, ქალაქ თბილისის მუნიციპალიტეტის 2022 წლის ბიუჯეტის პროექტის მთლიანი მოცულობა განისაზღვრა 1 199 917,0 ათას ლარს, რაც 2021 წლის დამტკიცებულ ბიუჯეტთან (1 050 302,5 ათასი ლარი) მიმართებაში გაზრდილია 149 614,5 ათასი ლარით.

ქალაქ თბილისის მუნიციპალიტეტის 2022 წლის ბიუჯეტის წარმოდგენილი პროექტის თანახმად, ქალაქ თბილისის მუნიციპალიტეტის 2022 წლის ბიუჯეტის პროექტის მთლიანი მოცულობა განისაზღვრა 1 199 917,0 ათას ლარს, რაც 2021 წლის დამტკიცებულ ბიუჯეტთან (1 050 302,5 ათასი ლარი) მიმართებაში გაზრდილია 149 614,5 ათასი ლარით, ხოლო განათლებისა და კულტურის მიმართულებით, ბიუჯეტი წარმოდგენილია შემდეგნაირად: განათლება – 178794,3, კულტურა – 24467,9.

განათლების სფეროს განვითარებისთვის საბიუჯეტო ასიგნებები გადანაწილებულია შემდეგნაირად:

- „სკოლამდელი აღზრდის დაწესებულებების ხელშეწყობა“ (კოდი 07 01 02) – 168 461,8 ათასი ლარი;
- „ზოგადი განათლების და სასკოლო პროექტების ხელშეწყობა“ (კოდი 07 02 01) – 142,2 ათასი ლარი;
- „მულტიფუნქციური ბიბლიოთეკების გაერთიანების ხელშეწყობა“ (კოდი 07 03 03) – 3 503,5 ათასი ლარი;
- „პროფესიული განათლების და დასაქმების ხელშეწყობა“ (კოდი 07 04) – 200, 000 ათასი ლარი;
- „უწყვეტი განათლების და სტუდენტური პროექტების ხელშეწყობა“ (კოდი 07 05 01) – 220,0 ათასი ლარი;
- „იურიდიული კლინიკა“ (კოდი 07 05 02) – 676,5 ათასი ლარი;
- „სოციალურად დაუცველი და წარმატებული სტუდენტების ხელშეწყობა“ (კოდი 07 05 03) – 2 603, 0 ათასი ლარი;
- „მოსწავლე-ახალგაზრდობის ეროვნული სასახლის ხელშეწყობა“ (კოდი 07 06 01) – 2 987,3 ათასი ლარი.

კულტურის სფეროს განვითარებისთვის საბიუჯეტო ასიგნებები გადანაწილებულია შემდეგნაირად:

- „თეატრალური ხელოვნების განვითარების ხელშეწყობა“ (კოდი 08 01) – 2 970,1 ათასი ლარი. მათ შორის, „ს. ახმეტელის სახელობის დრამატული თეატრი“ (კოდი 08 01 01)



- 694,8 ათასი ლარი, „პანტომიმის სახელმწიფო თეატრი“ (08 01 02) - 427,8 ათასი ლარი, „თბილისის საშემსრულებლო ხელოვნების საერთაშორისო ფესტივალი“ (08 01 03) - 1 000,0 ათასი ლარი, „სანდრო მრევლიშვილის სახელობის თბილისის პროფესიული მუნიციპალური თეატრი (08 01 05) - 506,7 ათასი ლარი, „სამეფო უბნის თეატრი“ (08 01 08) - 340,8 ათასი ლარი;

- „სახელოვნებო განათლების ხელშეწყობა“ (კოდი 08 02) - 4 696,8 ათასი ლარი;
- „ე. ახვლედიანის სახელობის ზავშვთა სურათების გალერეა“ (კოდი 08 03 10) - 164,6 ათასი ლარი;

- მუზეუმების გაერთიანების ხელშეწყობა“ (კოდი 08 03 12) - 3 550,3 ათასი ლარი;

▪ „ხელოვნებისა და კულტურის ობიექტების განვითარება“ (კოდი 08 04) - 2161,2 ათასი ლარი. მათ შორის, საკონცერტო ორკესტრი „ბიგ-ბენდი“ (კოდი 08 04 01) - 638,9 ათასი ლარი, „ხელოვნების ძეგლებისა და პანთეონების მოვლა-პატრონობა“ (კოდი 08 04 03) - 335,6 ათასი ლარი, „კულტურული დაწესებულებების მატერიალურ-ტექნიკური ბაზის გაუმჯობესების ღონისძიებები“ (კოდი 08 04 04) - 1 186,7 ათასი ლარი;

▪ „კულტურის სფეროს განვითარების ხელშეწყობა“ (კოდი 08 05) - 4 200,0 ათასი ლარი;

- „შემოქმედებითი თბილისი“ (კოდი 08 09) - 1 000,0 ათასი ლარი;

- „თბილისის თანამედროვე ბალეტის დასი“ (კოდი 08 12) - 473,6 ათასი ლარი;

▪ „ინკლუზიური ხელოვნების და განათლების ხელშეწყობა“ (კოდი 08 13) - 120,0 ათასი ლარი.

კოდი	პროგრამა/ქვეპროგრამა	2021 წლის გეგმა	2022 წლის პროექტი	ზრდა/შემცირება თანხაში	%	შენიშვნა
<b>7</b>	<b>განათლება</b>	<b>187294</b>	<b>202686.9</b>	<b>15392.9</b>	<b>8.22%</b>	
07 01 02	სკოლამდელი აღზრდის დაწესებულებების ხელშეწყობა	153666.9	168461.8	14794.9	9.63%	
07 02 01	ზოგადი განათლების და სასკოლო პროექტების ხელშეწყობა	92.2	142.2	50	54.23%	
07 03 03	მულტიფუნქციური ბიბლიოთეკების გაერთიანების ხელშეწყობა	3685	3503.5	-181.5	-4.93%	შემცირება გამოწვეულია არაფინანსური აქტივების ზრდის მუხლის შემცირებით
07 04	პროფესიული განათლების და დასაქმების ხელშეწყობა	180	200,0	20	11.11%	
07 05 01	უწყვეტი განათლების	220	220.0	0	0.00%	



	დასტუდენტური პროექტების ხელშეწყობა					
07 05 02	იურიდიული კლინიკა	615	676.5	61.5	10.00%	
07 05 03	სოციალურად დაუცველი და წარმატებული სტუდენტების ხელშეწყობა	2600	2603.0	3	0.12%	
07 06 01	მოსწავლე-ახალგაზრდობის ეროვნული სასახლის ხელშეწყობა	2715.7	2987.3	271.6	10.00%	
		163774.8	178794.3			

კოდი	პროგრამა/ქვეპროგრამა	2021 წლის გეგმა	2022 წლის პროექტი		ზრდა/შემცირება თანხაში	შენიშვნა
08 01	თეატრალური ხელოვნების განვითარების ხელშეწყობა	2821.6	2970.1	148.5	5.26%	
08 01 01	ს. ახმეტელის სახელობის დრამატული თეატრი	631.6	694.8	63.2	10.01%	
08 01 02	პანტომიმის სახელმწიფო თეატრი	413.9	427.8	13.9	3.36%	
08 01 03	თბილისის საშემსრულებლო ხელოვნების საერთაშორისო ფესტივალი	962.9	1000.0	37.1	3.85%	
08 01 05	სანდრო მრეწველიშვილის სახელობის თბილისის პროფესიული მუნიციპალური თეატრი	460.6	506.7	46.1	10.01%	
08 01 08	სამეფო უბნის თეატრი	352.6	340.8	-11.8	-3.35%	არაფინანსური აქტივების ზრდის მუხლია შემცირებული
08 02	სახელოვნებო განათლების ხელშეწყობა	4014	4696.8	682.8	17.01%	
08 03 10	ე. ახვლედიანის სახელობის ბავშვთა	149.6	164.6	15	10.03%	



	სურათების გალერეა					
08 03 12	მუზეუმების გაერთიანების ხელშეწყობა	1479.4	3550.3	2070.9	139.98%	არაფინანსური აქტივების ზრდის მუხლია გაზრდილი დაგეგმილია ორი სახლ-მუზეუმის სარეაბილიტაციო სამუშაოებით
08 04	ხელოვნებისა და კულტურის ობიექტების ხელშეწყობა	1306	2161.2	855.2	65.48%	
08 04 01	საკონცერტო ორკესტრი "ზიგ-ბენდი"	580.8	638.9	58.1	10.00%	
08 04 03	ხელოვნების ძეგლებისა და პანთეონების მოვლა პატრონობა	196	335.6	139.6	71.22%	არაფინანსური აქტივების ზრდის მუხლია გაზრდილი პანთეონის ტერიტორიაზე საფალავების კეთილ მოწყობა და ვიდეოკამერების მონტაჟი
08 04 04	კულტურის დაწესებულებების მატერიალურ-ტექნიკური ბაზის გაუმჯობესების ღონისძიებები	530	1186.7	656.7	123.91%	არაფინანსური აქტივების ზრდის მუხლია გაზრდილი, ზურაბ ანჯაფარიძის სახელობის N28 ხელოვნების სკოლის რეაბილიტაცია და კულტურული ობიექტების აღჭურვა
08 05	კულტურის სფეროს განვითარების ხელშეწყობა	6165.4	4200.0	-1965.4	-31.88%	გამოწვეულია სუბსიდიების მუხლის შემცირებით.
08 09	შემოქმედებითი თბილისი	910	1000.0	90	9.89%	



08 12	თბილისის თანამედროვე ბალეტის დასი	430.5	473.6	43.1	10.01%
08 13	ინკლუზიური ხელოვნების და განათლების ხელშეწყობა	100	120,0	20	20.00%
		18683.3	24467.9		

## 7. განათლება

მომავალი თაობების აღზრდის მიმართულებით მნიშვნელოვანი როლი ენიჭება სკოლამდელ განათლებას, რომლის ფარგლებშიც მომდევნო წლებში განხორციელდება ადრეული და სკოლამდელი აღზრდისა და განათლების სისტემის განვითარება, შესაბამისი ინფრასტრუქტურისა და მომსახურების გაუმჯობესება. საბავშვო ბაგა-ბაღების აღსაზრდელთა განვითარების ხელშეწყობა და სრულფასოვანი სააღმზრდელო გარემოს შექმნა უზრუნველყოფს დედაქალაქის საგანმანათლებლო - სააღმზრდელო და კულტურული გარემოს მნიშვნელოვან გაუმჯობესებას, საზოგადოების აქტიურ ჩართვას მიმდინარე საგანმანათლებლო-სააღმზრდელო და კულტურულ პროცესებში, მათ ინტელექტუალური და შემოქმედებითი უნარების სტიმულირებას, ადგილობრივი საგანმანათლებლო - სააღმზრდელო და კულტურული დაწესებულებების მუშაობის გაუმჯობესებას, დახვეწასა და მოსახლეობის ინტერესებზე მორგებას. პრიორიტეტის ფარგლებში ხორციელდება ასევე, ზოგადი, პროფესიული და უწყვეტი განათლების ხელშეწყობა, საზოგადოებისათვის მნიშვნელოვანი ინფორმაციის გავრცელება, განათლებისა და ინფორმირების ხელშეწყობა, მულტიფუნქციური ბიბლიოთეკების გაერთიანების და მოსწავლე ახალგაზრდობის ეროვნული სასახლის ხელშეწყობა.

სკოლამდელი განათლების სისტემის მართვა და განვითარება (კოდი 07 01) თბილისის სკოლამდელი აღზრდის დაწესებულებების ეფექტიანი ფუნქციონირების უზრუნველყოფა, გულისხმობს: სკოლამდელი აღზრდის სფეროში მართვის პოლიტიკის განხორციელებას, სტანდარტების შესაბამის სააღმზრდელო პროგრამა/ მეთოდოლოგიის დახვეწას, სტანდარტების შესაბამის კვებით უზრუნველყოფას, აღსაზრდელთა უსაფრთხოების მიზნით ბაგა-ბაღების ინფრასტრუქტურის განვითარებას, საბავშვო ბაგაბაღების მაქსიმალურ გამტარუნარიანობას, სკოლამდელი აღზრდის დაწესებულებების შშმ პირებზე ადაპტირებას და სხვა. პროგრამის ფარგლებში მოხდება ახალი სკოლამდელი აღზრდის დაწესებულებების მშენებლობა, არსებულის რეაბილიტაცია, კაპიტალური შეკეთება, სკოლამდელი განათლების ხარისხის გაუმჯობესების ხელშეწყობა, ხელმისაწვდომობის უზრუნველყოფა და ხარისხის მართვის ეფექტიანი სისტემის ჩამოყალიბება.

ზოგადი განათლების სისტემისა და საზოგადოების ინფორმირების ხელშეწყობა (კოდი 07 02) პროგრამის ფარგლებში განხორციელდება თბილისის მუნიციპალიტეტის ფუნქციონირების ეფექტურობის ამაღლების და მოქალაქეთათვის მრავალფეროვანი მომსახურების და ინოვაციური სერვისების შეთავაზების მიზნით, ერთიანი ელექტრონული სერვისების განვითარება და ხელმისაწვდომობა, ერთიანი გეოსივრცითი მონაცემთა ელექტრონული სისტემების დანერგვა და განვითარება, მომსახურების ხარისხის მონიტორინგი და კონტროლი; საზოგადოებისათვის მნიშვნელოვანი ინფორმაციის გავრცელების მიზნით, თვითმმართველობის საქმიანობის შესახებ მოსახლეობის, მედიისა და სხვა დაინტერესებული ინსტიტუტების დროული და სრულყოფილი ინფორმირება;



საგანმანათლებლო და შემეცნებითი პროექტების, ინიციატივების ხელშეწყობა; ტრენინგები თვითმმართველობის მოხელეებისთვის და ქვეუწყებების წარმომადგენელთათვის და სხვა ღონისძიებები.

**ადგილობრივი მნიშვნელობის ბიბლიოთეკების განვითარების ხელშეწყობა (კოდი 07 03)** მულტიფუნქციური ბიბლიოთეკების გაერთიანების ფუნქციონირების ხელშეწყობა სხვადასხვა პროექტების განხორციელების გზით. მათ შორის: ინფრასტრუქტურისა და მომსახურების სერვისების გაუმჯობესება, თანამედროვე ტექნიკითა და ინვენტარით აღჭურვა, კულტურულ-საგანმანათლებლო-შემეცნებითი ღონისძიებების განხორციელება, ახალი თაობის დაინტერესება წიგნით და საზოგადოების განათლებისთვის საჭირო ინფორმაციით.

#### **პროფესიული განათლების და დასაქმების ხელშეწყობა (კოდი 07 04)**

პროგრამის მიზანია ზრდასრულთა განათლების სისტემის განვითარების ხელშეწყობა და შრომის ბაზრის თანამედროვე მოთხოვნათა შესაბამისი საგანმანათლებლო კურსების დანერგვა, მოქალაქეთა პროფესიული გადამზადება და დასაქმების ხელშეწყობა, დასაქმებაზე ორიენტირებული სერვისების განვითარება კერძო სექტორთან და პროფესიულ სასწავლებლებთან თანამშრომლობით. განხორციელდება პროფესიული გადამზადების და დასაქმების ხელშეწყობის პროგრამა „ისწავლე და დასაქმდი“, რომლის ფარგლებშიც სახელმწიფო პროფესიული კოლეჯების ბაზაზე, მოკლევადიანი პროფესიული გადამზადების კურსების მეშვეობით, თბილისში ყველაზე მოთხოვნად სპეციალობებში გადამზადდება სამსახურის მაძიებელი მოქალაქეები.

#### **უწყვეტი განათლების სისტემის განვითარება (კოდი 07 05)**

უწყვეტი განათლების და სტუდენტური პროექტების ხელშეწყობის მიზნით განხორციელდება სტუდენტური ინიციატივების წახალისება, თემატური საზაფხულო და ზამთრის სკოლები, მასტერკლასები, ტრენინგები და ვორქშოფები სტუდენტებისთვის და კურსდამთავრებულებისთვის მათი კვალიფიკაციის ამაღლებისა და პროფესიული კონტაქტების ჩამოყალიბების ხელშეწყობისთვის. იურიდიული კლინიკის ფარგლებში განხორციელდება მოქალაქეთა კონსულტაცია და სამართალშემოქმედების პროცესში პროგრამის მონაწილეთა ჩართვა. გაგრძელდება სოციალურად დაუცველი და წარმატებული სტუდენტების ხელშეწყობა.

#### **მოსწავლე-ახალგაზრდობის ეროვნული სასახლე (კოდი 07 06)**

პროგრამის მიზანია მოსწავლე-ახალგაზრდობის ეროვნული სასახლის ინტელექტუალური, შემოქმედებითი, სულიერი და ფიზიკური პოტენციალის გამოვლენა და ამ მიზნების განსახორციელებლად შესაბამისი პირობების შექმნა; მოზარდთა ინტერესების შესაბამისად პროფილური წრეების, ცენტრების, კლუბებისა და სტუდიების ხელშეწყობა; მოსწავლე-ახალგაზრდობის შემეცნებით-შემოქმედებითი და დასვენება-გაჯანსაღების პროგრამების განხორციელება; პერსონალის კვალიფიკაციის ამაღლება; მატერიალურ-ტექნიკური ბაზის გაუმჯობესება და სხვა.

#### **8. კულტურა, სპორტი და ახალგაზრდობა**

გაგრძელდება კულტურული და სპორტული დაწესებულებების ფინანსური მხარდაჭერა, კულტურის, სპორტისა და ხელოვნების სფეროში სხვადასხვა პროექტების შემუშავება, დაგეგმვა და მისი განხორციელების კოორდინაცია; ადგილობრივი



მნიშვნელობის მუზეუმების, თეატრების, ხელოვნებისა და კულტურის ობიექტების ხელშეწყობა და სრულყოფილი ფუნქციონირებისათვის შესაბამისი პირობების შექმნა; სახელოვნებო განათლების პროგრამის ფარგლებში განსახორციელებელი პროექტების მხარდაჭერა; მწვრთნელ-მასწავლებელთა და წარმატებულ სპორტსმენთა (ბავშვები და მოზარდები) სოციალური და მატერიალური პირობების გაუმჯობესება; სპორტული და კულტურის დაწესებულებების მატერიალურ-ტექნიკური ბაზების გაუმჯობესება და თანამედროვე სტანდარტების დონეზე მოწყობა; საბალეტო ხელოვნებაში არსებული მოდერნული ტენდენციების დამკვიდრება და განვითარება; განვითარდება კულტურული ტურიზმი, რისთვისაც თბილისი უმასპინძლებს მუსიკალურ, თეატრალურ და კინო ფესტივალებს; შეიქმნება ახალგაზრდული ცენტრები და ღია სივრცეები მთელი ქალაქის მასშტაბით; აშენდება მრავალფუნქციური სპორტული და ახალგაზრდული კომპლექსები; მოხდება სპორტის სხვადასხვა სახეობების პოპულარიზაცია შეზღუდული შესაძლებლობების მქონე პირებში, მათი შემდგომში რესოციალიზაციისა და აქტიურ სპორტში ჩართვისათვის.

**თეატრალური ხელოვნების განვითარების ხელშეწყობა (კოდი 08 01)** პროგრამის ფარგლებში გათვალისწინებულია: ადგილობრივი მნიშვნელობის თეატრების სრულყოფილი ფუნქციონირებისთვის შესაბამისი პირობების შექმნა (მათ შორის რეპერტუარის განახლების, სადადგმო, ტექნიკური აღჭურვილობის და სხვა ხარჯების დაფარვა); თბილისის საშემსრულებლო ხელოვნების საერთაშორისო თეატრალური ფესტივალის ხელშეწყობა, მუნიციპალური თეატრებისა და თეატრალური ხელოვნების პოპულარიზაცია, რაც ხელს შეუწყობს თბილისისათვის საერთაშორისო კულტურული და ტურისტული სტატუსის მოპოვებას და მის მიმართ დაინტერესების ზრდას.

**სახელოვნებო განათლების ხელშეწყობა (კოდი 08 02)** პროგრამის ფარგლებში დაგეგმილია შემდეგი პროექტების მხარდაჭერა, მათ შორის: სახელოვნებო განათლების არამოთხოვნადი სპეციალობების (საგუნდო და საორკესტრო ინსტრუმენტები, თანამედროვე და ტრადიციული მიმდინარეობა, კაპელა და სხვა) შენარჩუნება; ხელოვნების სკოლების დაფინანსება სასწავლო-შემოქმედებით პროცესში მაღალი აკადემიური მოსწრების მქონე მოსწავლეების რაოდენობის შესაბამისად; ხელოვნების სკოლების, ანასტასია ვირსალაძის სახელობის ხელოვნების გიმნაზიის, ი. სუხიშვილის სახ. ქართული ცეკვის ქორეოგრაფიული სკოლა-სტუდიის და სერგო ზაქარიაძის სახელობის ტრადიციული და თანამედროვე ხელოვნების კოლეჯის ფუნქციონირების ხელშეწყობა; მათ შორის საბუღალტრო პროგრამის ლიცენზიის გაგრძელების, კომუნალური, დასუფთავების, ინტერნეტ მომსახურების დაფარვა; ყოველწლიური საიუბილეო და საანგარიშო შემოქმედებითი კონცერტებისა და გამოფენების მოსაწყობად (შემოქმედებითი აქტივობები/პროექტები/პროგრამები) დარბაზის იჯარა; ახალი სასწავლო პროგრამის შემუშავება, ტრენინგები, ვორქშოპები, სემინარები, კონფერენციები, სასწავლო ტურები, სასწავლო-საგანმანათლებლო მასალების მომზადებაგამოცემა, საქალაქო, რესპუბლიკურ, საერთაშორისო კონკურსებში, ფესტივალებში მონაწილეობა და სხვა ღონისძიებები.

**ადგილობრივი მნიშვნელობის მუზეუმების განვითარება და პოპულარიზაცია (კოდი 08 03)** პროგრამის ფარგლებში განსახორციელებელი პროექტების მხარდაჭერა, მათ შორის: ადგილობრივი მნიშვნელობის მუზეუმების მოვლა-პატრონობა და სრულყოფილი ფუნქციონირებისათვის შესაბამისი პირობების შექმნა; მუზეუმების პოპულარიზაციისა და განვითარების ხელშეწყობის ღონისძიებები; მუზეუმების საგამოფენო-საექსპოზიციო



საქმიანობის გააქტიურება კულტურულ-საგანმანათლებლო ფუნქციების განვითარებითა და გაძლიერებით; მუზეუმების რეაბილიტაცია, რაც უზრუნველყოფს ქალაქის კულტურულ და ტურისტულ ცხოვრებაში მათი როლის გაზრდას; მოსახლეობის ფართო მასების ინტერესების გათვალისწინებით ახალი პროექტების შემუშავება, რაც ხელს შეუწყობს მუზეუმებში მიმდინარე მოვლენებით დაინტერესების კულტურის დამკვიდრებას და დამთვალეობას რაოდენობის ზრდას.

**ხელოვნებისა და კულტურის ობიექტების განვითარება (კოდი 08 04)** თანამედროვე მუსიკალური ხელოვნების პოპულარიზაციის მიზნით საკონცერტო ორკესტრის "ბიგ-ბენდი" ფუნქციონირების ხელშეწყობა კონკრეტული პროექტების განხორციელების გზით; თბილისის პანთეონების (მთაწმინდა, დიდუბე, ხოჯევანქი) მოვლა-პატრონობა და პოპულარიზაცია - მისი როგორც საქართველოს უახლესი ისტორიის ძეგლის წარმოჩინება და კულტურულ ტურიზმში ჩართვა, მუნიციპალური კულტურის დაწესებულებების სარემონტო-სარეაბილიტაციო სამუშაოების ჩატარება, ტექნიკური აღჭურვა, კულტურის ინფრასტრუქტურის ხელმისაწვდომობის უზრუნველყოფა შეზღუდული შესაძლებლობის მქონე პირთათვის, რაც გულისხმობს არსებული და მშენებარე კულტურის ობიექტების ადაპტაციას მათ საჭიროებებთან, კულტურის ობიექტებში დამონტაჟებული სახანძრო უსაფრთხოების სისტემის მოვლა-პატრონობა და სხვა.

#### **კულტურის სფეროს განვითარების ხელშეწყობა (კოდი 08 05)**

პროგრამის მიზანია დედაქალაქში მიმდინარე შემოქმედებითი პროცესების ხელშეწყობა, კულტურის სფეროს დარგების განვითარება და მათი პოპულარიზაცია. განხორციელდება თბილისის დამეგობრებულ ქალაქებთან და დედაქალაქისთვის სტრატეგიული მნიშვნელობის ქალაქებთან კულტურის სხვადასხვა სფეროს ღონისძიებების ორგანიზება; დამოუკიდებელი რეჟისორების, სხვადასხვა თეატრის, თეატრალური და სახელოვნებო ორგანიზაციების მიერ წარმოდგენილი პროექტების ხელშეწყობა; კულტურის სფეროს სხვადასხვა მიმართულების საერთაშორისო და ადგილობრივი მნიშვნელობის ფესტივალებისა და კონკურსების ორგანიზება და ხელშეწყობა, თბილისში მცხოვრები ეთნიკური უმცირესობებისა და რელიგიური ღონისძიებების ხელშეწყობა, ქალთა როლის გაძლიერება მიმდინარე კულტურულ-სოციალურ პროცესებში; დედაქალაქის მასშტაბით კულტურის სფეროს სხვადასხვა მიმართულების პროექტების განხორციელება ღია ცის ქვეშ და სხვა ღონისძიებები.

**სპორტის განვითარების ხელშეწყობა (კოდი 08 06)** პროგრამის მიზანია თბილისში სპორტის სხვადასხვა სახეობების განვითარება - პოპულარიზაცია, თბილისის ნაკრების, ეროვნული და ასაკობრივი გუნდების მზადება და მონაწილეობა საერთაშორისო და ადგილობრივ სპორტულ ღონისძიებებში (მსოფლიო, ევროპის და საქართველოს ჩემპიონატები, პირველობები, თასების გათამაშებები, მასობრივი სპორტული ღონისძიებები, საერთაშორისო ტურნირები, სასწავლო საწვრთნელი შეკრებები); სპორტის სხვადასხვა სახეობის ეროვნული და თბილისის ფედერაციების, სპორტული კლუბების, სამსახურს დაქვემდებარებული ა(ა)იპ-ების ხელშეწყობა; კლუბების და ფედერაციების საჭირო ინვენტარით და სპორტსმენთა ეკიპირებით უზრუნველყოფა; მასობრივი სპორტის პოპულარიზაციაზე და ქალთა სპორტის განვითარებაზე ორიენტირებული პროექტების ხელშეწყობა; სპორტის სხვადასხვა სახეობის პოპულარიზაცია შეზღუდული შესაძლებლობების მქონე პირებში, მათი შემდგომი რესოციალიზაციისა და აქტიურ სპორტში ჩართვისათვის; მწვრთნელ-მასწავლებელთა და წარმატებული სპორტსმენი



ბავშვების სოციალური და მატერიალური პირობების გაუმჯობესება; სპორტული ინფრასტრუქტურის შექმნა/რეაბილიტაცია, მატერიალურ-ტექნიკური მდგომარეობის გაუმჯობესება, სპორტული დანიშნულების ობიექტების აღდგენა, მშენებლობა, მულტიფუნქციური სპორტული კომპლექსების მშენებლობა.

**ახალგაზრდული ღონისძიებები (კოდი 08 08)** პროგრამის ფარგლებში ახალგაზრდული ცენტრების ბაზაზე ჩატარდება, ადგილობრივი და საერთაშორისო მასშტაბის ახალგაზრდული ღონისძიებები, გასართობი, შემეცნებითი და სხვა ღონისძიებების ორგანიზება ან/და მხარდაჭერა; დაიგეგმება და განხორციელდება ახალგაზრდული ბანაკები; შეიქმნება განათლებისა და კულტურის ახალგაზრდული ცენტრები, ახალგაზრდულ ცენტრებში გაერთიანდება შემეცნების, დასვენების, გასართობის სივრცეები, ღია სივრცეებში შესაძლებელი იქნება სხვადასხვა კულტურულსაგანმანათლებლო აქტივობების დაგეგმვა, დასვენება, კულტურულ-შემოქმედებითი საღამოების, ღია საჯარო ლექციების/სემინარების ორგანიზება; ახალგაზრდული ინფრასტრუქტურის განვითარების მიზნით, განხორციელდება არსებული ცენტრების

**რეაბილიტაცია და ახალი ცენტრების მშენებლობა;** თბილისის ახალგაზრდული ცენტრების გაერთიანების საქმიანობის ხელშეწყობი ღონისძიებები და სხვა.

**შემოქმედებითი თბილისი (კოდი 08 09)** პროგრამის მიზანია, დედაქალაქში შემოქმედებითი ინდუსტრიის სხვადასხვა მიმართულების განვითარების ხელშეწყობა, სფეროში ჩართული ხელოვანების და სახელოვნებო ჯგუფების შემოქმედებითი იდეების წარმოჩენა და რეალიზება, თანამედროვე ტექნოლოგიებზე დაფუძნებული სახელოვნებო ჯგუფების პოპულარიზაცია. ამასთანავე, შემოქმედებითი მეწარმეობის გაძლიერება, სხვადასხვა დისციპლინისა და დარგის მდგრადი განვითარების ხელშეწყობა, კონკურენტუნარიანი გარემოს შექმნა და საერთაშორისო სტანდარტების დამკვიდრება. აღნიშნული მიზნის მისაღწევად, სპეციალურად შექმნილ ვებ-პორტალის მეშვეობით, საკონკურსო ფორმატში, განხორციელდება განაცხადების განხილვა და დაფინანსება შემოქმედებითი ინდუსტრიების ოთხ მთავარ მიმართულებაში: საგამომცემლო საქმიანობა, დიზაინი და რეჟისა, აუდიო-ვიზუალური ხელოვნება, ვიზუალური ხელოვნება.

**კულტურული, სპორტული და ახალგაზრდული ღონისძიებები რაიონებში (კოდი 08 11)** პროგრამის ფარგლებში განხორციელდება სხვადასხვა პროექტების მხარდაჭერა მათ შორის: რაიონის ტერიტორიის ფარგლებში ეროვნული თუ ადგილობრივი დღესასწაულების ორგანიზება და სხვადასხვა სპორტულ/კულტურული/ახალგაზრდული ღონისძიების ჩატარების ხელშეწყობა; ტურნირების, შეჯიბრებების და საუბნო ჩემპიონატების ორგანიზება; შემოქმედებითი კოლექტივებისა და ინდივიდუალური შემსრულებლების, ფესტივალებში, კონკურსებსა და გამოფენებში მონაწილეობის ხელშეწყობა.

**თბილისის თანამედროვე ბალეტის დასი (კოდი 08 12)** პროგრამა ითვალისწინებს თანამედროვე ქართული ცეკვის/ბალეტის მრავალფეროვანი მიმართულებების დანერგვას, ამ დარგის განვითარებასა და პოპულარიზაციისთვის, გიორგი ალექსიძის სახელობის კამერული დასის - თბილისის თანამედროვე ბალეტის ფუნქციონირების ხელშეწყობას. თანამედროვე ბალეტის პროფესიულად დაუფლებისთვის დასის ბაზაზე საქართველოში დაფუძნდა პირველი სასწავლებელი, რომელიც მოდერნბალეტისა და თანამედროვე ცეკვის სხვადასხვა მიმდინარეობასა თუ ტექნიკას დანერგავს და განვითარებს. თანამედროვე ცეკვის განვითარების, ცნობიერების ამაღლებისა და პოპულარიზაციის მიზნით, დასმა




დაიწყო საგანმანათლებლო პროგრამების განხორციელება, საერთაშორისო კავშირების დამყარება, მსოფლიოში მოღვაწე თანამედროვე ქორეოგრაფების მოწვევა და საბალეტო დადგმების განხორციელება.

ინკლუზიური ხელოვნების და განათლების ხელშეწყობა (კოდი 08 13) პროგრამის მიზანია საზოგადოების ცნობიერების ამაღლება, ყველასათვის თანაბარი შესაძლებლობების გაჩენა და შეზღუდული შესაძლებლობისა და სპეციალური საჭიროების მქონე პირების მაქსიმალური ჩართულობა კულტურულ-საგანმანათლებლო პროცესებში; განხორციელდება ინკლუზიური პროექტები ხელოვნების სფეროს სხვადასხვა დარგში და საგანმანათლებლო მიმართულებით.

შეასრულა:

განათლებისა და კულტურის კომისიის  
სამდივნოს პირველი კატეგორიის უფროსი  
სპეციალისტი



ირაკლი შამათავა

19.11.2021